



Gemeinsam Äntwert vum Minister fir d'sozial Sécherheet a vun der Gesondheetsministesch op d'parlamentaresch Fro n° 5761 vum Här Deputéierte Jeff Engelen iwwert d'Krankeschäiner am Zesummenhang mat der Impfung géint d'Covid-19

1) Ass am leschte Joer eng erhéichten Zuel u Krankmeldunge par rapport zu den dräi Joer virdu feststellen?

Laut dem leschte Rapport vun der Generalinspektioun vun der sozialer Sécherheet (IGSS) iwwert den Absenteismus wéinst Krankheetsfäll¹, deen den 18. November 2021 vum Minister fir d'sozial Sécherheet der Press virgestallt gouf, ass den Absenteismustaux vun 3,83% am Joer 2018 op 3,89% am Joer 2019 geklommen (+1,6%) an dono op 4,58% am Joer 2020 (+17,8%). Och wann d'Donnéeë vun 2021 nach net konsolidéiert sinn, schätzt d'IGSS datt den Absenteismustaux liicht op 4,40% erfogoe wäert.

Wat den Ufank vum Joer 2022 ugeet, weisen déi provisoersch Donnéeë fir de Mount Januar e besonnesch héijen Absenteismus, wat deelweis erkläert gëtt duerch de Grad vun der Ustiechung vun der Omicron Variant vum Virus SARS-CoV-2. Sou hunn méi wéi 100.000 Aarbechter, also bal e Véierel vun alle Aarbechter, am Januar 2022 gefeelt, wat awer net ausschliisslech der Krankheet COVID-19 zouzeschreiwen ass. Den Absenteismustaux, deen doduerch entsteet, gëtt op 6,10% geschat, a läit also no beim Rekordtaux deen am Mäerz 2020 observéiert gouf (6,23%). Zum Taux am Mäerz 2020 ass awer ze bemierken datt deen Taux aus enger méi niddereger Unzuel u feelenden Aarbechter (80.000 feelend Aarbechter, dat heescht 20% vun allen Aarbechter) besteet mee mat méi laangen Absenceperioden.

2) Ginn et Statistiken doriwwer, wéi vill vun dese Krankmeldungen op d'Niewewirkunge vun der Impfung zeréckzeféiere sinn?

D'Informatiounen, déi op de Krankeschäiner stinn, erlaaben et net eventuell Absencen ze identifizéieren déi op Niewewirkungen vun der Impfung géint d'Covid-19 zeréckzeféiere sinn.

3) Wéi deele sech d'Krankmeldungen an deene leschte véier Joer op no Krankeheetsbiller ?

Am Allgemenge bezéien sech d'Analysen, déi vun der IGSS gemaach gi fir ze kucken duerch wéi eng medezinesch Ursachen et zu Absencë kënn, just op Résidentsaarbechter. Dëst kënn dohier, dat d'Majoritéit vun den auslännesche Krankeschäiner kee Diagnoscode hunn, déi am Kader vun der Aarbechtsonfäegkeet benotzt gëtt, an de Grond fir de Krankheetsfall mat fräiem Text beschriwwe gëtt.

De Rapport iwwert den Absenteismus wéinst Krankheetsfäll, deen d'IGSS all Joer mëscht, proposéiert systematesch fir d'Residenten déi schaffen, eng Repartitioun vun den Absencendeeg no medezinescher Ursach. D'Analyse fir 2021 ass nach net verfügbar. Déi gëtt am Kader vun der Preparatioun vum nächste Rapport vun der IGSS realiséiert.

¹ [Présentation de l'évolution de l'absentéisme pour cause de maladie des salariés en 2020 et début 2021 - Inspection générale de la sécurité sociale // Le gouvernement luxembourgeois](#)



Am Joer 2020 sinn 11,3% vun de Absencendeeg der Krankheet COVID-19 zouzeschreiwen. Vu datt dës Absencendeeg d'Gewichtung vun den anere medezineschen Ursaache mechanesch erofdrécken, ass hir Neutraliséierung néideg fir eng Analysen ze erméigleche fir kënnen Vergläicher ze maachen an esou eng Evolutioun am Absenteismus ze hunn tëschent 2018 an 2020 (Tabell n°1).

Tabell n°1 : Verdeelung vun den Absencendeeg duerch Krankheetsfäll vun de Residenten no Joer a medezinescher Ursaach

| | 2018 | 2019 | 2020 | 2020 (hors COVID-19) |
|---|---------------|---------------|---------------|-------------------------|
| Krankheete vum osteo-artikuläre System | 17,1% | 17,6% | 15,4% | 17,4% |
| Mental a Verhalensstéierungen | 15,6% | 16,6% | 14,5% | 16,3% |
| Convalescencen no enger Operatioun | 13,1% | 13,9% | 11,2% | 12,6% |
| Infektiiv a parasitär Krankheeten | 14,2% | 12,7% | 11,2% | 12,5% |
| Traumaen | 8,5% | 7,5% | 6,6% | 7,4% |
| Krankheete vum Nervensystem (ausser Hireschlag) | 4,4% | 4,2% | 3,8% | 4,3% |
| COVID-19 | | | 11,3% | |
| Aner (*) | 27,1% | 27,5% | 26,0% | 29,3% |
| TOTAL | 100,0% | 100,0% | 100,0% | 100,0% |

Source : IGSS

(*) enthält d'Kategorie « Aner Krankheeten » souwéi déi 11 aner medezinesch Ursaachen déi am mansten vertrauede sinn

No der Neutraliséierung vun den Absencendeeg am Zesammenhang mat der COVID-19, weist den Undeel vun den Absencendeeg verbonne mat anere medezineschen Ursaache keng grouss Variatioun tëscht 2019 an 2020 op. D'Haaptännerunge bestinn aus enger Diminutioun vun der Gewichtung vun de „Cures de convalescences“ no enger Operatioun an enger Erhéijung vun der Gewichtung vun der Kategorie „Autres“ (eng Kategorie déi Absencen enthält, déi ënnert dem Numm "Aner Krankheeten" gruppéiert sinn, souwéi déi 11 aner am mannste representéiert medezinesch Ursaachen).

Op der anerer Säit ginn et verschidden Tendenzen, déi am Joer 2019 constatéiert goufen an sech am Joer 2020 bestätegt hunn, sou wéi d'Erhéijung vun der Gewichtung vu Mental- a Verhalensstéierungen, eng Diminutioun vun der Gewichtung vun den Traumaen a schliisslech d'Gläichbleiwe vu Krankheete vum osteo-artikuläre System als déi medezinesch Ursaach, mat der gréisster Unzuel un Absencendeeg.

Allerdéngs, trotz der Neutraliséierung vun den Absencendeeg am Zesammenhang mat der COVID-19, muss d'Verdeelung vun der Unzuel un Absencendeeg no medezinescher Ursaache fir d'Joer 2020 mat Virsicht berécksiichtegt ginn, well se nach ëmmer eng gewëssen Unzuel vun Effekter verstoppt déi a verschidde Richtunge kënnen gräifen.

Tatsächlech sinn d'Absencendeeg betreffend der COVID-19 ganz warscheinlech net perfekt saiséiert ginn, wéinst der Ähnlechkeet vun de Symptomer vun dëser Krankheet zu deene vun der Gripp an den initiale limitéierten Testkapazitéiten, déi den Ufank vun der sanitärer Kris charakteriséiert hunn. Och



d'Abscendeeg am Zesammenhang mat infektiiv a parasitäre Krankheete falen tatsächlech ënnert d'Abscendeeg betreffend der COVID-19.

Wann d'Abscendeeg betreffend der COVID-19 perfekt ageholl gi wieren, wier d'Gewiichtung vun infektiiv a parasitäre Krankheete méi niddereg wéi dat aus der viregter Tabell ervirgeet, während d'Gewiichtung vun anere medezineschen Ursaache méi héich wier.

Dës nei Verdeelung géif awer keng hypothetesch Situatioun ouni Gesondheetskris reflektéieren, well d'Gewiichtung vun den infektiiven a parasitäre Krankheeten duerch Barrièregeeste besonnesch niddereg wier am Verglach zu de Jore virdrun, während déi vun anere medezineschen Ursaachen als Konsequenz besonnesch héich wieren.

Lëtzebuerg, den 10. März 2022

De Minister fir d'sozial Sécherheet

(s.) Claude Haagen